

مدبر ابن السرى
احمد جودت

مؤسس: ابن السرى
مصطفى نامق

آسيان

ادبي، علمي، سياسي، اجتماعي، فني، اخلاقي هفتنه لى مجموعه در

پنجمه

اينكى جلد

نومرو ۱۸

برنجى سنه

۲۱ ذى الحجه ۱۳۲۶

۱ كادون ثانى ۱۳۲۴

مدرجات

آونك ايل سليمان بحرى	ضيا پاشا عبدالحق حامد
براز فن و سياست سعد الدين و داد	ايلال زاهره جناب شهاب الدين
مبنى مبنى بنكه سعيد حكمت	كندىم انجون ح . سیرت
اخلاق سياسيه سرور جمال	مصاحبه ادبيه على سعاد
قلوبلر ، جميتلر خليل	اسكى دفترلر كليسى رفعت
	اولومدن صكره


استانبول



محل اداره مى : جفال اوغلنده اداره مخصوصه

باب طالى جاده سنده « مركز » مطبعه مى

۱۳۲۴



برازده فن و سیاست

جسم ذی حیات ، بوماده حیاتیة مجموعہ سی برکتلہ غیر متجانسیہ دریکہ اسر الاساسی پروتوبلازمادر . پروتوبلازما دیمک ماده حیاتیہ دیمکدر . « پروتوبلازما » لفظی فکرده حیاتی ، ماده حیاتیہی نحلی ایتدبرن اصطلاحی برکله در .

شیکلا ، عضواً پروتوبلازمال متعدد و مختلف در . چونکہ محنت طبعیہ مشہود اولان اجسام ذی حیات ده تشکلا ، اعضواً باشقه باشقه در . تعمیر محیجہ مابہ العضویات اولان ماده حیاتیہ مختلف محصولات پروتوبلازمائیہی احتوا اتمک صورتیہ باشقه باشقه قالببرده ، باشقه باشقه کسوملرده متظاهر در . ماده حیاتیہک الک کوچوک واسفل شکلی بر حجرہ بسیطہ ، « آمیب » دنیلن حیوان سفلی ، دم حیوانانده کی کریوات بیضادر .

ماده حیاتیہک الکیوک واکمل شکلی ده جسم انسانی در کہ بوعادتایرملته ، برقومه شہدر ، حجرات مختلفہ حیاتیہدن مشکل برجاعتدر . بوجاعتک ، بوملتک منشأ ابتدائیسی بر حجرہ بسیطہ در بیض دنیلن حجرہ در . فقط بوبیض عمق بساطتندہ - آناً یکیرہ جکی ادوار تنمو و تکاملدن سوکرہ تظاہرایده جک اولان اولیلہ اشغال و افعال حیاتیہی جامعہ در کہ اصل حیرت افزای عقول اولان ده انسانی تأمین ایدن بوبیض تعمیر ایتدیکمز بومورطہ بدایہ یک بسیط و یک عادی کورون بوحجرہ یا لاخرہ انقسام ایدہ ایدہ چوغالہرق متعدد حجرہلردن مشکل برکتلہ یه و صوکرہ بوحجرہ کتلہ سی ده متعدد یازتی! لره ، شعبہ لره ایریلہرق متعدد صنوف و مسالک حجرویہی تأسیس ایدر . بوسبیلہ در کہ افعال حیاتیہ حیوانیہ ده - حیوانات عالیہ - تخلفات عدید کوزوکور . حیوانات عالیہک وظائف و افعالندہ بر جامعیت مشہود در کہ بوحیوانات سفلیہ ده منقود در . بونلرک وظائفی درجہ سفلیتایرلہ متناسباً سفلی در ، بسیط

و یا محدود در . لیکن انسان آلف الیان جنوب حجریه بی - بو مختلف بارتی !
 لری حاوی - بولمق سایه سنده مختلف و متعدد افعال و وظائف حیاتیه دن جلوه
 نشاندر بو افعال مختلفه دخی نه شدید علاقه لره یکدیگرینه مر بوطدر ! بو اتحاد افعال
 و اعمال نه درنکین ، نه بدیع ثمرات ویریر ! . . . افعال حیاتیه ده کی یوموازنه ،
 بو آهنگ نره دن نشئت ای دیور ؟ بیلیرمیز ؟ ..

بو صنوف متعدده حجراتدن هر بر صنف باشقه بر تجلی حیانه مظهردر .
 فیزیولوژی قنده هر بر صنف حجره « نسج » نامی تحتند مذکوردر . دیمک
 صنوف تعمیر مزدن « انسجه » مراد ایملی . مستقل بروطفه ایله موظف
 نسجلردن ایکی و یا ده زیاده سنک اجتماعیه یکدیگره دست معاوتی اوزاتمقله
 بر عضو تشکل ایدر . عضولر برلشنجه بر مجموعه ، بر هیئت وجوده کلیرکه
 هر بری یکدیگرینه خدمتله موظفدر . بو نظام خلقت در که لایته بردر . دیمک که
 حیات اعضای مختلفه نیک مساعی مشترکه لریله صورتتون در . متعدد و مختلف اعضادن
 مشکل بو هیئت ، بو مجلس نه به بکزر ؟ بیلیرمیز ؟

بر مجلس مشورته دگلی ؟

عضویت دینیلن بو حجره لر مجلس مشورتنده کی اعضای حیاتدارک وظائف
 و مساعی اشکالات نسجه و نشر بحیه لریله کوره منقسمدر . هیچ بری حدود مسلکیسی
 تجاوز ایدمیز . قانون خلقت بو نظام بدیی بوبله جه قوروش ، بو اساس مبدل
 اوزرینه بنا ایلشدر . باشقه درلوسی امر محالدر .

عضولر بر خدمتله مکلفدر . بو متعدد خدمتله عضویت ایچوندر ، اولک
 ادامه و محافظه حیاتی ایچوندر .

عضویت بر قوم در که اولک افراد و خالق حجراتدر . بو افراد بر طاقم قبائله
 آیرلشددر که هر بر قبیله بر عضودر . بر عسوک ، بر قبیله نیک عدمی عضویتک ،
 قومک سقطلقی و یا محوینی استلزام ایدر .

بو مجلس حیات مشورته بر رئیس ، بر ناظم لازم ! بوده دماغک عهده
 کفایتنه مودوعدر . سیکبر لک مرکزی اولان دماغک هم حاکم همده محکوم ،
 هم افندی همده اوشاق اولدینی اوقاتی بر تدقیق ایله آکلاشیله بیلیر . بالفرض

جملهٔ عصبیه مأمور بولندینی ایشده جزئی برعطالت کوسترسه اک اول کنندی
 ضرردیده اولور . سیکیرارک بوعطالتی تأثیریه اعضا وانسجه فعالیتنی غیب ایدر
 بوزوق برهیندن نبعان ابدن عصارهٔ حیات ده ناکافی و بلکه بوزوق اوله جفتدن
 دماغ ده اساسی برعصارهٔ حیاتدن محروم قالیر ، محروم قالدقجه ده ضعیفلار
 ونهایت چورور . بوحالده هم کنندی ومهمده افراد دینیلن حجرات ده محو اولور
 کیدر . دیمک عناصر فطرت قوانین مشورته تابع ! ذرات حیانیه بوحبل متین ایله
 یکرسه مربوط ؟ تجلیات حیات بویله بر آهنگ دافریب سایه سنده صورتمون ! .
 بزه اکیاقین و - بز - اولان بدتمز بیله مشروطیت اداره ایله فرمانبر بر حکومت ! ..

دوقتور: سعدالدین و داد

